



UNIVERSITÄTS-  
BIBLIOTHEK  
PADERBORN

**Judicium Ecclesiasticum Seu Decretalium Gregorij IX.  
Pont. Max. Liber II.**

**Schmalzgrueber, Franz**

**Ingolstadii, 1726**

Titulus X. De Ordine Cognitionum.

---

[urn:nbn:de:hbz:466:1-74990](#)

non sequitur, quod prohibetur, & annullatur omnis illius pars, sed tantum, quod illa, quae autoritatem Judicis imbibit; hanc autem non imbibit Appellatio. Ergo &c.  
**Ad 5.** N. Consequent. Ratio est, quia fit sine strepitu Appellatio, & est defensio propria.  
**Ad 6.** prosecutio Appellationis non potest fieri sine strepitu Judiciali, neque adeo necessaria est, ut Appellatio.

**51** Quæritur 7. quæ sit causa excusans, ut in diebus feriatis actus Judiciales exerceri possint? **IV. c. fin. h. tit.** duo excipiuntur casus, necessitatibus nempe, & pietatis: quibus causibus si causa die feriato tractentur, sive deinde Civiles illæ sint, sive Criminales, sive spirituales, sive temporales, licet, & validè tractari possunt. Proceditque hoc non tantum in ferijs profanis, sed etiam in Sacris, quamvis ut in ferijs sacris agitari causæ Judiciales possint, major, & gravior requiratur causa, quam in profanis, & in profanis, quæ ob publicam causam principaliter institutæ sunt, major, quam in ferijs rusticis. In particulari

**52** Ex causa necessitatibus die feriato Judicia tractari possunt. **1.** Si res, vel actio tempore sit peritura **c. fin. v. verum de Judic. l. ne quis 1.** & duabus seqq. ff. b. tit. Laym. l. 4. tr. 6. c. 2. n. 7. Sabell. §. ferie n. 2. Schamb. n. 18. hic Wiest. n. 19. **2.** Quando debitor suspensus est de fuga, dilapidatione, vel deterioratione rei, super qua est conveniens, Sequitur ex præcedente, & cum cit. docet Wiest. suprà. **3.** Si partes litigantes, ut plerumque pauperes, & rusticani homines, alijs diebus sine notabili incommmodo comparere, aut in Judicium vocari nequeant. Navar. Man. c. 13. n. 13. Suar. c. 30. n. 18. Sabell. n. 3, cum alijs suprà. **4.** Si contra

latrones sit procedendum, & periculum sit in mora **l. Provinciarum 10. C. h. tit.** ubi ratio additur: Ne scelerorum differatur proditio consiliorum. **5.** Si delinquentem propter atrocitatem criminis ad exemplum, & terorem aliorum in magno populi affluentis concursu plecti publicè interesset. Suar. n. 19. Fagnan. in c. fin. cit. n. 13. &c. juxta quos ita alicubi contra latrones, & contra Hæreticos proceditur in Italia. **6.** Cum periculum est damni publici, aut privati, spiritualis, aut corporalis; tunc enim ad amoliendum hoc damnum permittitur Judicium institui die festo. Pirk. & alij suprà: & ratio est, quia hujusmodi damnum imponit necessitatem moralē; necessitas autem Legem non habet c. confitum 2. in fin. de obser. jejun.

Ex causa pietatis, & misericordiae festis **53** diebus expediti possunt. **1.** causa alimentorum, carceratorum, pupillorum, viduarum, pauperum, & miserabilium personarum; quia in operibus misericordiae dierum distinctio non est habenda. Gloss. in c. fin. cit. V. pietas. **2.** Quando aliquoquin, si differretur causa cognitionis, pia causa pateretur incommodum; quia summa est ratio, quæ pro religione facit **l. sunt persone 43. fin. ff. de Relig.** & sumpt. funer. **3.** Cum hoc exigit pietas, & observantia erga Patriam. Suar. n. 20. Pirk. l. cit. **4.** Si causa sit matrimonialis, & periculum incontinentiae, nisi diebus feriatis judicetur de valore Matrimonij, & impedimenti illius. Haun. tom. 5. tr. 3. n. 218. **5.** Quolibet die feriato expediti possunt, quæ pertinent ad pacem, & concordiam can. decrevit 17. cauf. 22. q. 5. ibi: *Nisi de concordia, & pacificatione: Unde eodem tempore etiam transactiones, & pacta fieri possunt.*

## TITULUS X.

De Ordine Cognitionum.

## SUMMARIUM.

1. Ratio Rubricæ datur.
2. Primi cognoscendum de causa, à qua pendet altera.
3. Et prejudicialis.
4. Item major pre minori.
5. Exceptio Peremptoria, & Dilatoria pre causa principali.
6. Et hec quidem terminanda per sententiam.
7. Ad illam sententiam opus non est.
8. 9. 10. 11. Quid si causa principalis & incidentis ad Forum diversum spectant?
12. 13. 14. An Judex Laicus incidenter cognoscere possit de quæstione facti in causa spirituali?
15. 16. 17. 18. Quid Juris, si reus conventus contra actorem opponat actionem, vel exceptionem Spoliij?

**P**ost item contestatam, & Juramentum Calumnia præstitum, datásque, & lapsas Dilationes, quæ Reo ad responsionem parandam concessæ sunt, ulterius proceditur: & quidem si Reus, lapsis Dilationibus, non compareat, nec respondeat, ob hujus contumaciam A-

ctor mittitur in possessionem bonorum Rei; si vero compareat, & respondeat, utrinque ad probationes pergitur. Quia vero, antequam Reus petitioni Actoris respondeat, ipse vicissim nonnunquam solet aliquam quæstiōnem proponere vel per modum actionis, vel quod frequentius est, per modum exceptio-

U 2

nus,

nis, hinc sepe contingit, ut duæ, aut plures etiam quæstiones in eodem Judicio deciden-dæ offerantur Judici. Unde præsenti Titulo dispiciendum, quo ordine de his cau-sis cognitionis institui, & sententia ferri debeat, ne præposterus ordo confusionem pariat, & hæc Judicium, ne rite fieri possit, impediatur. Est igitur *Ordo Cognitionum*, seu *Judiciorum* nihil aliud, quam Ordo servandus à Judice in examine plurium quæstionum, qua in eodem Judicio concurrunt inter easdem personas. Ut rite hic obseretur, po-nuntur sequentes Regulae.

**Regula I.** & universalis est, quoties-cunque de duabus causis, in eodem Judicio propositis, una pendet ex alia, primò cognosci, & pronunciari debet super causa, à qua de-pendet altera: & hoc verum est, sive ab eo-dem, sive à diversis, sive agendo, sive exci-piendo proponatur. Sumitur ex *l. si quis s. si vel parens 8. ff. de agnosc. & alend. liber. l. fundum 16. & duab. seqq. ff. de except. & docent Brunnem. C. b. tit. n. 1. Vall. n. 1. hic. Fermo. in Rubr. ibid. n. 39. Engl. n. 1. Wiest. n. 2. & communiter ceteri.* Proce-ditque hoc, sive quæstio illa ad alteram sit præparatoria, ut est causa possessionis ad cau-sam proprietatis; ostendit enim, quis com-modis possessionis gaudeat, & cui onus proprietatem probandi incumbat: sive actionem actoris impedit, ut est exceptio Ex-communicationis à Reo objecta actori; facit enim eundem ad agendum inhabilem, si rite probetur Exceptio: sive denique reum ab uno Judicio ad aliud transferat, ut cum Reus pertractus ad Judicem sacerdalem excipit se esse Clericum; facit enim, ut de eo cognoscere Judex Laicus nequeat. Unde si hoc contingat, & in idem Judicium tales actiones incident, prius discutienda est causa posse-sionis, ut constet, cui onus probandi propri-etatem incumbat; prius Exceptio Excom-municationis actori opposita, ut constet, num agere in Judicio possit; prius quæstio Clericatus, ut pateat, an Judex sacerdalis re-spectu Rei sit competens.

**Regula II.** Si quæstio præjudicialis in-cidat in aliqua causa, de illa prius est cognoscendum, & interim supersedendum in causa principali, donec illa fuerit terminata. *Gloss. in c. tuam 3. b. tit. V. dependentem, Vivian. ibid. in Rational. Fermo. q. 2. n. 2. & seqq. Fagn. n. 12. Gonzal. n. 13. Henr. Canif. n. 2. Jordan. n. 41. Vall. n. 2. Zcef. n. 3. Pirk. n. 18. Samig. c. 2. n. 3.* Dicitur autem, ut bene Farin. *prax. crim. q. 100. n. 78. & seqq. notat*, una causa præjudicare alteri, à qua hæc altera ita dependet, ut si feratur sententia in una, pa-riat exceptionem rei judicatae in altera, & jus actoris tollat, vel illum ab agendo repel-lat. *Ratio Regulae est*; quia sententia la-ta super causa præjudiciali ostendit, quid in principali pronuntiari debeat; unde ordo na-tura petit, ut quæ viam sternit ad aliam,

expediatur prius. *Proceditque hoc, et si alte-ra sit prius mota, & major: & verum est, five incitat Civilis, qua sit præjudicialis Ci-vili, ut si potenti hæreditatem objiciatur, quod non sit legitimus c. lator 5. qui filii legit. Sive incitat Civilis, qua sit præjudicet Causa Criminali can. fin. cauf. 3. q. 11.* Sive incitat quæstio Criminalis, qua sit præjudicialis Civili, ut si petens hæreditatem ex Testamento, ac-cusatetur, quod testatorem compilerit, ut eum hæredem institueret, ut *l. civili 1. ff. si quis aliquis test. prohib.* Sive demum incitat quæstio criminalis, qua sit præjudicet criminali, ut si servus dominum suum de capitali criminis ac-cusaverit &c. His enim casibus cognoscendum est prius de quæstione incidente, & hujus fieri decisio debet, ut hic *Gloss. & AA. cit.*

**Regula III.** Causa major in cognitione minori præferenda est, nisi ista præjudicialis sit, juxta textum, & rationem *l. per minorem 54. ff. de Judic.* ubi Paulus, *Per minorem, inquit, causam majori cognitioni prejudicium fieri non oportet; major enim quæstio minorem cau-sam ad se trahit.* Sic **1.** causa spiritualis præ-cedit temporalem *arg. c. quod in dubijs 3. de consacr. Eccl. vel Altar.* quia dignior, quam ista est. **2.** Causa Criminalis præcedit causam Civilem *l. fin. C. de ordin. Judic.* quia Criminalis regulariter majoris est periculi, & præjudicij. **3.** Causa proprietatis præcedit cau-sam servitutis: & hinc si fundum Cor-nelianum peras, & simili eidem fundo ser-vitutem itineris per alterius vicini fundum asse-ras, discuti prius de proprietate fundi, quam de servitute debet; quia servitutem fundo non potest asserere, qui dominus fundi non est *l. fundum 16. ff. de exception. l. de ser-vitutibus 2. §. hac autem 1. ff. si servit. vindic.* **4.** Possessorum potius est peritorio, ut dice-tur infra *l. 12.* Neque obstat, etiam si agatur de crimine *l. prius 1. C. de appellat.* Ratio est, quia plus periculi in possessione est; possessor enim legitimus, dum interim agitur de crimine, insui detrimentum care-ret re, cuius possessionem prætendit, & periculum est, ne ad manus venirent par-tes possessionis obtinendæ causâ propter e-iusdem comimoda. **5.** Denique si ambæ cau-sae sint ejusdem rationis, ambæ princi-pales, ambæ civiles, ambæ quoad se æquales, præferenda, quæ primò proposita est; quia haec eo ipso fit Jure potior *l. qui prior 29. & ibi Gloss. ff. de Judic.*

**Regula IV.** Si opponatur Exceptio Peremptoria, vel Dilatoria, prius discutienda est Exceptio, quam causa Principalis, cum discrimine tamen: quia si dilatoria sit, non solum prius cognosci, sed etiam decidi, & de-finiri debet, antequam ad causam principalem tractandam procedatur; at quando est Peremptoria, non est necesse, ut causâ excep-tionis discussâ, super eadem feratur sen-tentia. *Regula hæc tria continet membra.* Pri-

**Primum**, quod de Exceptione Peremptoria prius sit discussendum, colligitur ex c. intelleximus 1. b. tit. ubi, cum mulier quædam aliquem tanquam maritum suum sibi dari peteret, & ille timens, ne per testium deposiciones convinceretur, exceptionem consanguinitatis opposueret, Clemens III. statuit, prius de Exceptione cognoscendum, quæ procedatur ad definitivam sententiam; est autem Exceptio consanguinitatis respectu petitionis dictæ mulieris Exceptio peremptoria; quia si probetur, ipso Jure mulieris hujus actionem, seu petitionem excludit. Ergo &c. **Ratio est**, quia ex Peremptoria Exceptione apparabit, quomodo sit formanda sententia; optimè igitur cognitio illius præmittitur: imò si fecerit Judex, & probationes causæ principalis reciperet, non discussâ causâ Exceptionis, frustra hoc faceret; quia probationes super causa principali hoc ipso cadunt, quando reus Exceptionem suam probavit. Multo minus pronuntiari super causa principali potest, causâ exceptionis non discussâ: sic enim pronuntiando manifesto periculo erroris se se committeret Judex; fieri enim posset, ut discussa dein Exceptione, appareret recte excepsisse reum, & sic Judex cogereret revocare sententiam à se datum: quod cum juxta l. sub specie 4. C. de re Judicat. grave sit, iustius, & commodius videtur prius discuti Exceptionem Peremptoriæ, quam illâ admisâ, & probata, hanc revocari; melius enī in tempore occurrere, quam post vulneratam causam remedium querere l. fin. C. in quib. caus. in integr. restit. necess. non est. Neque obstat c. causam 16. de offic. deleg. c. accedens 4. v. mandamus ut lit. non contest. c. ex conquestione 10. & c. litteras 13. de restit. spoliat. quibus textibus, non obstante exceptione, proceditur in causa principali; nam ut cum communī advertit Wiest. hic n. 9. in casibus istorum textuum intentatum fuit possessorum recuperandæ, sive redintegrandi matrimonij, cuius jam consummati possessione alter conjugum spoliatus fuerat: unde eo ad conjugis sui restitutio agentे, iste, exceptione Consanguinitatis non obstante, restitui eidem debebat vi Regulæ, quod spoliatus ante omnia restituendus sit. At in casu c. 1. cit. non possessorum, sed petitorum intentatum fuit; quia mulier non tanquam spoliata ad mariti exceptionem agebat, sed eum, à quo nec cognita, neque in domum traducta fuit; propter contractum cum ipso Matrimonium vindicando sibi adjudicari perebat, ut ex verbis peteret quendam in virum defumunt Abb. ibidem n. 3. aliique Interpretes.

**Alterum**, quod si opponatur Exceptio Dilatoria, non solum prius cognosci, sed etiam decidi, & definiri debeat, antequam ad causam principalem tractandam procedatur, cum communī docent Bartol. in l. 1. C. de Ordin. Judic. n. 7. Abb. in c. 1. cit. n.

11. Laym. ibid. n. 5. Gonz. n. 15. Fagn. n. 16. & 23. Vall. hic n. 3. Pirk. n. 3. Engl. n. 3. & statuitur l. à procedente 4. C. de dilat. l. quoniam 26. C. ad leg. Jul. de adult. Tales sunt Exceptio latæ sententia, Juramenti, Transactionis, per quam opponitur item ab actore intentatum jam finitam esse, ideoque ulterius super ea procedi non posse; item quod Judex, velactor si Excommunicatus. **Ratio hujus membi responsoris est**; quia si Judex vellet procedere etiam super causa principali, in tali processu involverentur contraria; nam vi Exceptionis non est procedendum, Judex verò procedendo faceret oppositum. Igitur prius est pronuntiandum super Exceptione expressæ, vel tacite, & ipso facto exercendo actum contrarium, quod sufficit, ut notat Fermosin. in c. 1. cit. q. 1. n. 17.

**Tertium** denique, quod discussâ causâ exceptionis Peremptoria, non sit necesse, ut super eadē feratur sententia, magis est controversum; videatur enim contrarium inferri à paritate cum Exceptione litis per sententiam, Juramentum, Transactionem finitæ &c. super qua, ut n. præc. dictum est, prius est pronuntiandum. Conf. ex l. de qua re 74. ff. de Judic. ubi decernitur, ut de qua re cognoverit Judex, de ea etiam cogatur pronuntiare. Sed standum est assertione data, quam etiam defendunt Abb. in c. 1. b. tit. n. 11. Fagn. ibid. à n. 68. Brunnem. C. b. tit. n. 11. & seqq. Honor. hic n. 10. Schamb. n. 3. Wiest. n. 11. & statuitur l. adite 1. C. de Ordin. Judic. ibi: Quoniam non de ea (incidente Statu, & præjudiciali quæstione) sed de hereditate (principaliter in Judicium deducta) pronuntiat. **Ratio est**, quia pronuntiatio super causa principali jam in se includit pronuntiationem tacitam super incidenti Peremptoria Exceptione c. suborta 21. vnum de sent. & re judic. ut adeo pronuntiatio super causa exceptionis, positâ sententiâ super causa principali, esset frustranea. **Excipitur** Casus, quo quæstio incidunt coram uno, & quæstio principalis coram alio Judice ventilatur; tunc enim prius ab illo pronuntiandum est de questione incidente, quam alter pronuntiet de causa principali c. per tuam 3. b. tit. c. lator 5. qui fil. legit. & cum communī notant P. Wiest. hic n. 13. P. Schmier de Judic. c. 6. n. 23. alij. **Ad Argumentum contrarium** nego paritatem; nam Exceptio Peremptoria concernit ipsum factum, sive causam principaliter in Judicium deductam, Exceptio Dilatoria autem proponitur ad impediendum processum: unde mirum non est hanc decidendam, ut processus super principali institui poslit. **Ad Conf.** id solum procedit, quando natura, seu qualitas exceptionis in Judicium deductæ sententia pronuntiationem postulat, non verò, si tacite, & virtualiter includitur in sententia ferenda super causa principali.

**Regula V.** Si in causam principalem,

U 3

in-

incidat quæstio, de qua Judex causa principalis principaliter non potest cognoscere, videndum est, an solum non possit de ea principaliter cognoscere, quia est incompetens respectu cause incidentis, an quia est incapacitus Jurisdictionis in illo genere cause. *Si primum*, Judex causæ principalis, non obstante incompetencia, cognoscere de causa incidente potest *l. quatuor 3. C. de Judic. l. adite 1. C. de ord. Judic.* ubi Judex hereditatis cognoscit incidenter de causa statutis, licet de illa principaliter non possit cognoscere: & habetur pro generali regula apud DD. Ratio est, quia causa incidentis connexa est cum principali; causæ connexæ autem, si aliud nihil obstat, ab uno, eodemque Judice tractandæ sunt juxta dicta superius *T. it. 1. n. 72.* *Si secundum*, Judex causæ principalis superseedere interea debet in cognitione de causa principali, donec quæstio incidentis definitur ab eo Judice, ad quem de Jure pertinet. *Ratio disparitatis* cum hoc, & præcedenti membro est; quia Incompetentia tantum Jurisdictionem restringit Judici ad certum genus causarum, nec impedimentum ponit in persona; Incapacitas vero Jurisdictionem ipsi omnino denegat, & in persona ejusdem impedimentum ponit: ut proinde mirum non sit, quod incidentia Jurisdictionem Incompetentis extendat, non vero Incapacis. Ex quo

*Sequitur 1.* Si quæstio incidat propriè pertinens ad Forum Ecclesiasticum, ex cuius decisione quæstio principalis pendet, Judicem secularis non debere prius cognoscere de causa principali, aut illam definire, quam quæstio illa incidentis à Judice Ecclesiastico decisa fuerit. Sumitur ex *c. lator 5. c. causam 7. qui filij legit.* & præcipue ex *c. tuam 3. b. tit.* ubi Regina Cypræ petebat hereditatem Campaniæ, tanquam proxima Consanguinea mortui Comitis, & cum ipsi objectus fuisset defectus natalium, Pontifex Honorius III. rescripsit ad Philippum Regem Galliæ, ut si forte dicta Regina pro successione in memorato Comitatu coram ipso quæstionem proponeret, eandem ipse non audiaret, nec cognosceret, donec quæstio natalium, ex qua causa successionis pendet, a se fuerit terminata. Causa decisionis est, quia quæstio natalium in hoc casu est quæstio Spiritualis, & ad Forum Ecclesiasticum pertinens; pender enim à legitimitate Matrimonij; quia objectum huic Regina fuit, quod illegitimè fuerit prognata, eò quod matrimonium parentum ejus ob impedimentum dirimens invalidum fuerit. Ex hoc ergo *cap. & decisione Pontificis* argumentum ducitur ad omnes alias causas spirituales, & quæ propriè ad Forum Ecclesiasticum spectant, & universim dicitur, quod Judex secularis, si in causa principali, de qua cognoscit, causa ejusmodi spiritualis incidat, cognoscere de illa non possit, sed expectare decisionem Judicis Ec-

clesiastici debeat, & deinde causam principalem prosequi. Quod cognoscere de illa non possit, clarum est; quia Judex Laicus respectu causæ propriæ spiritualis non solum incompetens est, sed etiam incapax vel Jure Divino, ut quidam volunt, vel Ecclesiastico faltem, ut alii, sed fundato in ratione perpetua, ut proinde incapacitatem hanc incidentia non possit tollere. Quod vero expectare debeat, ex priori consequitur; nam exceptio hæc peremptoria est. Igitur prius cognosci de illa debet, quam de causa principali, cuius est peremptoria: cum autem ipse cognoscere de illa nequeat, superset, ut expectet, dum à Judice proprio, i.e. Ecclesiastico sit definita. Et hoc verum est, et si pars excipiens non appellaverit; nam ipso Jure pendentia causæ spiritualis incidentis suspendit Jurisdictionem Judicis secularis super causam principali. Fagnanus. in *c. 3. cit. n. 19.* Unde causa ista specialis est, in quo aliter, quam per appellationem, suspenditur Jurisdictionis.

*Sequitur 2.* Si in causam, quæ coram Judice seculari principaliter agitatur, incidat causa per accidens tantum spiritualis, posse Judicem secularis cognoscere etiam de causa incidente. Abb. in *c. tuam cit. n. 9.* Fagn. ibid. n. 33. Et 34. Laym. n. 3. Pirk. n. 17. Sunt enim duplices generis causa spirituales: alia per se, & ex objecto suo, ut matrimonij, electionis, & consimiles, vel spirituali annexæ, ut Jus Patronatus &c. alia contra suapte naturæ, & ex objecto suo sunt profanae, & per accidens solum ratione partis litigantis, vel personarum possidentium Ecclesiastica fiunt, & ad forum Ecclesiasticum spectant. De prioribus procedit *Corollarium primum*, de posterioribus *secundum*; quia respectu priorum Judex secularis incapacitus, respectu posteriorum tantum incompetens est. Et hinc si Clericus agat contra Laicum coram Judice seculari, & incidat quæstio de solvendis ab actore expensis, Judex secularis etiam cognoscere poterit de expensis solvendis: item si reus à Clerico conventus excipiat, quod actor suus sit filius, & conf. conveniri ab ipso de Jure non possit, de exceptione cognoscet etiam Judex Laicus, apud quem causa principalis est instituta &c. quorum omnium ratio est, quia causa istæ ex objecto, & natura sua profana sunt.

*Sequitur 3.* Si in causam, quæ principaliter agitur coram Judice Ecclesiastico, incidat causa temporalis alias examinanda coram Judice Laico, de hac ratione incidentia posse cognoscere Judicem Ecclesiasticum. *Ratio est*, quia Judex Ecclesiasticus Jurisdictionis secularis non est incapacitus, sed tantum incompetens, quæ incompetencia per incidentiam tollitur.

*Sequitur 4.* Si in Judicium de hereditate incidat causa statutis, & adversus petentem hereditatem Adversarius excipiat, &

dicit, eum non esse liberum, aut legitimum, Judicem hæreditatis incidenter posse cognoscere etiam de causa statu, licet de illa non possit cognoscere principaliter ob rationem jam datam. Et idem de similibus casibus.

<sup>12</sup> Dubium est, an si quæstio incidunt ad Judicium Ecclesiasticum quidem pertineat, sed facti duntaxat sit, hujusmodi quæstionis, & facti cognitione competere Judici Sæculari possit? Negant Bald. in l. quæst. 3. c. de Judic. n. 3. Joan. Andr. in c. 3. b. tit. n. 7. Abb. ibid. n. 10. Fagn. à n. 41. Fachin. l. 1. contr. c. 44. Barbos. de Offic. Episc. alleg. 84. n. 31. & alij apud istos. Moventur i. c. tuam 3. b. tit. ubi natalium quæstio foro Ecclesiastico adstruitur indistinctè. <sup>2.</sup> c. per tuas 12. qui fil. legit. ubi quæstio de initio matrimonio, quæ facti est. Judicio Ecclesiastico definita est. <sup>3.</sup> c. si Judex 12. de fent. excom. in 6. ubi statuitur controversiam, de Rei apprehensi Clericatu motam, remittendam esse ad Curiam Ecclesiasticam. <sup>4.</sup> c. ut inquisitio- nis 18. v. prohibemus de Hæret. in 6. ubi po- testas sacerularis de Hæresos criminis quoquo modo, ac proinde etiam, cum de facto quæritur, cognoscere prohibetur. <sup>5.</sup> Ra- tione: quia quæstio facti ita connexa est cum quæstione Juris, ut ab ista separari nequeat, cum ex facto Jus oriatur. Igitur cum cau- se connexa deferenda sint ad eum Judicem, qui de utraque potest cognoscere, quæstio facti deferriri debet ad Judicium Ecclesiasti- cum, qui solus cognoscere de Juris quæstione potest.

<sup>13</sup> Sed dicendum, si quæstio talis sit merè facti, & reus conventus sit Laicus, est fori mixti, cons. cognoscere de ea etiam Judex sacerularis potest. Ita Felin. in c. 8. de for. competente n. 1. Menoch. remed. recuper. 15. n. 338. Steph. Gratian. Disc. for. c. 238. n. 12. Farin. prax. crim. q. 8. n. 25. Sanch. l. 8. de matr. D. 54. n. 4. Zypaëus de Jurisd. Eccl. § Civil. l. 1. c. 39. n. 3. Sperell. Decis. 8. n. 55. Delbene de Immunit. c. 5. dub. 14. f. 4. n. 16. Oliva for. Eccl. p. 1. q. 8. n. 15. Wiest. hic n. 17. & plures alij apud istos. Colliguntur ex c. licet 2. de Jurejur. in 6. ubi Judici sacerulari permititur cognoscere, an Juramentum actui adjectum sit, licet de illius valore ob spiritualitatem ipsius non possit cognoscere. Ratio est, quia Judex cognoscens de re spirituali, aut spirituali annexa, quatenus in mero facto consistit, abstrahit ab omni spiritualitate; ac proin nulla est ratio, cur Judex sacerularis excludatur à facti talis cognitione.

<sup>14</sup> Neque obstant Argumenta oppo- sita. Ad 1. ibi fuit agitata quæstio de valore matrimonij, cont. non merè facti. Ad 2. ibi refertur, quod factum fuit, non au- tem dicitur, quod ita necessariò debuerit fieri. Ad 3. § 4. ideo de Clericatu, & Hæresi, etiam quando facti quæstio de ijs est, prohibetur cognoscere Judex sacerularis;

quia quæstionem Juris ferè semper admixtam habent. Ad 5. et si ex facti qualitate pronuntiatio de Jure alicui competente pen- deat, non tamen per hoc qualis facti infep- rabilis sit à quæstione Juris, quasi illa sine ista decidi nequeat.

Regula VI. In causa Spolij, si reus <sup>15</sup> contra actorem spoliante spoliationem op- ponat per modum Exceptionis, & causa talis sit, in qua admittitur Exceptio Spolij, prius audiendus est reus super Exceptione Spolij, & eā probatā, non cogitur respondere acto- ri, nisi prius restituatur. Ita Vivian. in c. cūm dilectus 2. b. tit. n. 1. Fermosin. ibid. q. 2. n. 4. Laym. n. 1. § 2. Gonzal. n. 19. Barbos. n. 1. Henr. Canis. n. 2. Vallen. n. 5. Honor. n. 2. Pirh. n. 6. Sannig. c. 2. n. 4. Wiest. n. 22. & ita statutum est c. cūm dilectus cit. Ratio est, quia Exceptio Spolij dilatoria est; est autem Ordo Judicarius, ut Dilatoria Exceptiones proponantur ante litis contestationem, ut Tit. 25. dicetur infra. Igitur antequam reus teneatur actori respondere super petitis in Libello, erit ipse reus super spo- liatione audiendus. Proceditque hoc, etiamsi actör re alia spoliatum se quereretur ab ipso reo; quia quando Actör, & Reus hærent in eadem causa, vel delicto, favorabilior est Reus, quam Actör l. favorabiliores 125. ff. de R. J.

Dixi 1. si spoliationem opponat per mo- <sup>16</sup> dum Exceptionis: nam si per modum Actionis, & Reconvencionis illam opponat, cùm eo casu duæ sint causæ principales, nempe Conventio, & Reconventio, utraque causa simul tractari, & terminari debet, ut supra dictum est Tit. 4. de mut. petit. & l. cit. docent Fermosin. n. 7. Gonzal. n. 23. Barb. n. 4. aliisque ex relatis. Disparitas est cum casu regulæ, quia si per modum Actionis opponat Exceptionem spolij reus, ex reo sit actör, & sic causa ipsius non amplius est favorabilior, ut prius cognosci debeat.

Dixi 2. non cogitur respondere, nisi <sup>17</sup> prius restituatur: ubi nota discrimen alterum inter spoliationem propositam per modum actionis, & inter eandem propositam per modum exceptionis. Si primo modo proposita sit, Judex, probata spoliatione, con- demnare actorem ad restituendum debet; si secundo, solum repellere ab agendo, do- nec restituat. Ita Vivian. in c. cūm dilectus cit. Fermosin. q. 1. n. 7. Laym. n. 2. Hon- nor. n. 2. Schamb. n. 6. Wiest. n. 24. § 25. & sumitur clarè ex c. cit. v. verum. Ratio est, quia Judex officium suum partibus impetriri, & pronuntiare debet secundum modum facta ab ijs propositionis c. qualiter 24. de accusat. c. licet 31. de Simon. ibi: Ut juxta formam Judicij sententia dicitur. At- qui reus opposens exceptionem spolij contra actorem, & intentionem actoris solum petit repellere actorem, non consequi rem; hic enim finis est exceptionis, quæ solum est a- Etio-

ctionis exclusio. Igitur si exceptionem suam probaverit reus, id solum debet consequi, ut actor repellatur ab agendo, donec restituatur; restituere autem tunc solum cogetur sub conditione, si actionem suam prosequi velit. Aliud dicendum, si reus spoliationem proposuit per modum actionis; tunc enim absolute restituendus est, licet non probaverit se dominum rei esse, ut suo loco dicetur: non tamen repellit agentem; quia finis actionis est consequi, non repellere. Abb. in c. cit. n. 7. Laym. n. 2. Vall. n. 6.

- 18 Dixi 3. si causa talis sit, in qua admittatur exceptio spolijs; nam si exceptio spolijs non admittitur, nihil operabitur opposita: unde pergendum erit in cognitione causæ principialis. Plures autem ejusmodi casus, in quibus exceptio spolijs non admittitur, recensent Abb. Laym. Pirh. aliisque DD.
1. Si periculum sit in mora, quod causa dilatationem non patiarum, ut si agitur de reficiendo pariete domus, quæ ruinam minatur.
  2. Si officium Judicis imploratur, nulla instituta actione contra Adversarium, ut si petitur, ut electus confirmetur; nam cum exceptio spolijs solum competit reo ad excludendam actionem, consequenter ubi nulla est actio, locum etiam non habet exceptio.
  - 3.

Si causa, sive factum sit notoriū; nam exceptio spoliationis, ut dictum est, dilatoria est, & obijicitur ad impediendum processum Judicij. in notorijs autem non est necesse, ut observetur processus Judicarius, sed potest statim ad condemnationem, & executionem procedi can. de manifesta 17. caus. 2. q. 1. nisi etiam spoliatione sit notoria; tunc enim spoliatus non potest compelli ad satisfaciendum, nisi prius restituatur.

4. In causa matrimoniali, & alijs spiritualibus, vel quasi contra agentem non admittitur exceptio spoliationis rerum privatarum c. frequens 1. S. fin. de restit. spolijs. in 6.
5. Calum addit Abb. quando spoliatus convenit ex obligatione, vel promissione Juramento firmata. Sed hoc solum procedit, quando ex circumstantijs appetit Jurantem voluisse renuntiare beneficio exceptionis; nam si simpliciter solum promisit solvere, & postea spoliatus fuit à creditore, & conveniat super debito, non tenetur solvere, nisi prius discutatur quæstio spoliationis, & restitutio fiat.

Et hoc verum est, etiamsi promissionem debitor Juramento firmaverit; nam Juramentum intelligi debet secundum naturam, & conditionem actus, cui adjungitur, nec imponit promissioni novam obligationem, sed priorem auget solum, seu intendit.

## TITULUS XI. De Plus Petitionibus. SUMMARIUM.

1. Definitio Plus Petitionis.
2. 3. 4. 5. Modi quatuor.
6. 7. 8. 9. Explicantur.
10. An sibi noceat, qui petit minus debito?
11. Pena plus petentium Jure Civili.
12. Jure Canonico.
13. Quomodo duplicatio temporis intelligi debet?

14. Quomodo puniatur plus negans?
15. Modis evitandi poenam plus petentium.
16. Causa petendi ante tempus, & in diverso loco.
17. Quid operetur penitentia post item confessatam?

**I**nter incidentes Questiones, & Exceptiones, quæ Actori ante, vel post litis contestationem objici possunt, etiam est, quod ille plus petat, quam sibi debeatur. Hinc Titulo de Ordine Cognitionum Titulus de Plus Petitionibus subjungitur. Definiri autem Plus Petitione potest, quod sit inordinata petitio Actoris, aliquid ultra debitum à Reo apud Judicem exigentis.

Quæritur 1. quot modis plus petitur? 2. quatuor modi plus petendi enumerauntur c. un. b. tit. & S. si quis agens 33. v. plus autem Inst. de Actione. videlicet plus causâ, plus re, plus loco, & plus tempore.

Causâ plus petere dicitur, quando quis certum quid in specie, vel individuo à debito petet, quod is in genere solum, vel alternativè, seu disjunctivè promisit. e. g. si equum promisit, & creditor petit Bucephalum, vel si Bucephalum promisit dare, aut pecuniam, alter determinatè petat pecu-

niam S. si quis agens cit. v. huic autem, & ibi Harprecht n. 18. Schneidev. n. 6. Manz. n. 31. Ratio est, quia in debitis ex contradictu indeterminatis, & alternativis electio est debitoris v. huic autem cit. l. plerumque 1. ff. de Jur. dot. l. si in emptione 34. S. si emptio 6. ff. de contrab. empt. l. arbitratrice 2. S. Scovo- la 3. ff. de eo, quod certo loco &c.

Re, seu quantitate plus petitur, si cum 3 debeat quinque aurei, alter petat decem, aut cum ad eum res spectet solum quoad partem, alter illam petat totam, vel quoad majorem illius partem S. cit. V. re. Vivian. in c. un. b. tit. Sichard. C. in Rubr. evd. n. 5. Harprecht n. 17. Schneidev. n. 1. Manz. n. 20. Wiest. n. 2. König n. 5. ubi addit, majorem partem hic intelligendam esse non tam respectu rei, cuius est pars, quam respectu debiti: ideoque si alicui sexta rei alicuius pars debeatur, ille verò quartam petat, jam plus petere dicitur, cum quarta pars sit major sexta,